



Na osnovu člana 54. Zakona o radu u institucijama Bosne i Hercegovine («Službeni glasnik BiH, br. 26/04, 7/05, 48/05, 60/10, 32/13, 93/17, 59/22 i 88/23»), člana 8. Odluke o uslovima i načinu prijema pripravnika VII stepena stručne sprema u radni odnos u institucije Bosne i Hercegovine («Službeni glasnik BiH», br. 52/05, 102/09 i 9/15) i Odluke o potrebi prijema pripravnika visoke stručne sprema u Sekretarijatu Parlamentarne skupštine Bosne i Hercegovine, broj: 03-34-1-226-2/25 od 04.02.2025. godine, Kolegij Sekretarijata Parlamentarne skupštine Bosne i Hercegovine objavljuje

**JAVNI OGLAS**  
**za prijem pripravnika u Sekretarijatu Parlamentarne skupštine Bosne i Hercegovine**

**Pripravnik – završen fakultet društvenog smjera**, visoka stručna sprema (VII stepen) ili završen najmanje prvi ciklus školovanja dodiplomskog studija fakulteta društvenog smjera koji je vrjednovan sa 180 ili 240 ECTS bodova **(3 izvršioca)**.

**Opis poslova i radnih zadataka:**

Pripravnik će obavljati poslove u cilju osposobljavanja za samostalan rad u okviru svoje struke i sticanja potrebnog radnog iskustva neophodnog za polaganje stručnog (upravnog) odnosno javnog ispita.

**Mjesto rada:**

Mjesto rada pripravnika je u sjedištu Parlamentarne skupštine Bosne i Hercegovine u Sarajevuu, ulica Trg BiH broj 1.

**Opšti uslovi:**

Za prijem u radni odnos pripravnik mora da ispunjava sljedeće opšte uslove utvrđene članom 10. Zakona o radu u institucijama Bosne i Hercegovine:

- da ima navršениh 18 godina života,
- da je državljanin Bosne i Hercegovine,
- da protiv njega nije pokrenut krivični postupak za djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno sa umišljajem u skladu sa krivičnim zakonima Bosne i Hercegovine,
- da nije obuhvaćen odredbom člana IX stav 1. Ustava Bosne i Hercegovine,
- da je fizički i psihički sposoban za obavljanje poslova radnog mjesta za koje se prijavljuje).

**Posebni uslovi:**

Pored opštih uslova propisanim Zakonom o radu u institucijama Bosne i Hercegovine pripravnik mora ispunjavati sljedeće posebne uslove:

- završen fakultet društvenog smjera, visoka stručna sprema (VII stepen) ili završen najmanje prvi ciklus školovanja dodiplomskog studija fakulteta društvenog smjera koji je vrjednovan sa 180 ili 240 ECTS bodova.
- da nema ostvaren radni staž godinu dana ili više u struci nakon diplomiranja.

**Napomena za sve kandidate:**

- Javni oglas se sprovodi u skladu sa odredbama Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23) i odredbama Odluke o uslovima i načinu prijema pripravnika VII stepena stručne sprema u radni odnos u institucije Bosne i Hercegovine („Službeni glasnik BiH“, br. 52/05, 102/09 i 9/15),
- Za sprovođenje konkursne procedure po ovom Javnom oglasu formiraće se jedna (1) Komisija za izbor.

**Potrebni dokumenti:****1. Kandidati su dužni dostaviti sljedeća dokumenta u originalu ili ovjerenoj kopiji:**

- Izvod iz matične knjige rođenih
- Uvjerenje o državljanstvu, ne starije od šest (6) mjeseci od dana izdavanja od strane nadležnog organa

- Univerzitetska diploma ili uvjerenje (potvrda) o diplomiranju (uvjerenje (potvrda) o diplomiranju ne može biti starije od jedne (1) godine odnosno od roka potrebnog za izdavanje diplome), a u slučaju da fakultet nije završen u Bosni i Hercegovini, strana diploma mora biti nostrifikovana (dokaz o nostrifikaciji). Kandidati koji su visoko obrazovanje stekli po bolonjskom sistemu obrazovanja uz fakultetsku diplomu dužni su dostaviti i dodatak diplomi (izuzetno, samo u slučaju da visokoškolska ustanova dodatak diplomi nije uopšte izdavala, niti za jednog diplomca, kandidat je dužan da uz ovjerenu fotokopiju univerzitetske diplome dostavi potvrdu visokoškolske ustanove da dodatak diplomi nije uopšte izdat, niti za jednog diplomca)
- Dokaz da nema ostvaren radni staž nakon sticanja visoke stručne spreme jednu godinu ili više, što se dokazuje ovjerenom fotokopijom radne knjižice (naslovna strana kao i stranice s ličnim podacima i podacima o radnom stažu) ili potvrdom – uvjerenjem Zavoda za zapošljavanje li potvrdom PIO/MIO da nisu registrovani u matičnoj evidenciji;
- Uvjerenje da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini (ne starije od tri mjeseca),
- Izjava da nije obuhvaćen odredbom člana IX. stav (1) Ustava Bosne i Hercegovine, ovjerenu od strane nadležnog opštinskog (gradskog) organa uprave u mjestu prebivališta, ne stariju od tri (3) mjeseca.

Ovjerene kopije dokumenata nemaju ograničen rok važenja, pod uslovom da ni dokumenti čije su kopije ovjerene nemaju naznačen (preciziran) rok važenja.

## **2. Prijava na Javni oglas**

Kandidati su dužni dostaviti svojeručno potpisanu prijavu na Javni oglas, koja će obuhvatiti sljedeće podatke (ime, prezime, adresa, opština stanovanja, poštanski broj, kontakt telefon, poziciju za koju se prijavljuje i kraću biografiju).

### **Dodatni dokumenti koji se dostavljaju naknadno:**

Izabrani kandidati dužni su, u skladu sa članom 10. stav (1) tačka e) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23), dostaviti uvjerenje o radnoj sposobnosti (ljekarsko uvjerenje) kao dokaz da su fizički i psihički sposobni za obavljanje poslova navedenog zanimanja na dan početka rada.

Izabrani kandidati, dužni su prilikom prijema u radni odnos, u skladu sa članom 11. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23), dostaviti pismenu izjavu datu pod punom moralnom, materijalnom i krivičnom odgovornošću i ovjerenu od strane nadležnog opštinskog (gradskog) organa uprave u mjestu prebivališta (ne stariju od tri dana) da u mjestu življenja ne obavljaju samostalnu profesionalnu djelatnost, odnosno nemaju zanatsku radnju ili vlastitu firmu.

### **Postupak izbora:**

Postupak izbora kandidata prijavljenih na oglas provodi Komisija za izbor pripravnika koju u skladu sa Odlukom o uslovima i načinu prijema pripravnika VII stepena stručne sprema u radni odnos u institucije Bosne i Hercegovine ("Službeni glasnik BiH", br. 52/05, 102/09 i 9/15), imenuje rukovodilac institucije.

Kandidati koji ispunjavaju uslove iz Javnog oglasa i koji su blagovremeno podnijeli urednu i kompletnu prijavu na Javni oglas podliježu provjeri znanja koju u skladu sa Odlukom o uslovima i načinu prijema pripravnika VII stepena stručne sprema u radni odnos u institucije Bosne i Hercegovine ("Službeni glasnik BiH", br. 52/05, 102/09 i 9/15), provodi Komisija za izbor.

O mjestu i datumu provjere kandidati će biti blagovremeno obaviješteni.

Radni odnos se zasniva na period od jedne (1) godine.

### **Dostavljanje prijava:**

Prijave na Javni oglas sa potrebnom dokumentacijom mogu se dostaviti u roku od osam dana od dana objavljivanja Javnog oglasa u dnevnim novinama "Avaz", putem pošte preporučeno na adresu:

**Parlamentarna skupština Bosne i Hercegovine**

**Trg BiH, broj 1**

**71 000 Sarajevo**

**Komisija za izbor pripravnika**

Nepotpune, neblagovremene i neuredne prijave, kao i kopije tražene dokumentacije koje nisu ovjerene ili su ovjerene nakon isteka važnosti originala koji se ovjerava, te dokumenti stariji od roka utvrđenog Javnim oglasom neće se uzimati u razmatranje.